



## ԻՐԱՔԱՆԱՅ ԹԵՄ

### ՄՈՒՍՈՒԼԻ ՆՈՐ ԿԱՌՈՒՅՎԵԼԻՔ ԵԿԵՂԵՅՈՒ ՀԻՄՆԱՐԿԵՐԸ

Այս տարվա ապրիլի 26-ին մեծ թվով հավաքացյալներ էին մասնակցելու նոր կառուցվելիք եկեղեցու հիմնարկների արարողությանը:

Արարողությունն սկսվեց թեմիս բարեջան առաջնորդ, Գերաշնորհ Տ. Ավագ արքեպիսկոպոս Ասատուրյանի գլխավորած թափորով: Հիմնարկների արարողությանը որպես կնքահայրեր հրավիրված էին եկեղեցու շինարարության համար նվիրատու ազգայիններ:

Հիշատակության արժանի է այն, որ այս հոգեպարար արարողությանն իր մասնակցությունը բերեց Մուսուլի շրջանի մեզ դավանակից Ասորի Օրթոդոքս համայնքապետ Սալիպա արքեպիսկոպոսը, որը առաջնորդ Սրբազան Հոր հրավերով Ս. Մյուռնով օժեց վեմ-քարերից երեքը:

Արարողությունների վերջում առաջնորդ Սրբազան Հայրը շնորհավորեց իրաքահայությանը և ի մասնավորի Մուսուլի համայնքը, խրախուսեց բոլորին, որ նյութական աջակցություն բերեն եկեղեցու շինարարությանը:

### ԱՎԶՐՈՒԿ ԳՅՈՒՂԻ ՆՈՐԱԿԱՌՈՒՅՑ Ս. ՎԱՐԴԱՆ ԵԿԵՂԵՅՈՒ ՕԾՈՒՄԸ

2000 թվականի մայիսին թեմիս բարեխնամ առաջնորդ, Գերաշնորհ Տ. Ավագ արքեպս. Ասատուրյանն Իրաքի հայաշատ կենտրոններին տված իր հովվական այցելությունների շարքին հիմնարկներն էլ կատարեց հյուսիսային շրջանի Ավգրուկ հայկական գյուղում կառուցվելիք եկեղեցու: Աշխարհամարտան Կիրակիին զուգադիպող ապրիլի 29-ին կատարվեց սույն եկեղեցու օծումը:

«Զոդորմութեան քո դռուն բաց...» շարականի երգեցողությամբ Սրբազան Հայրը նավակապիքը կատարեց նորակառույց եկեղեցու: Եվ այսպիսով իր գլխավորած թափորով և հոծ հավաքացյալների ներկայությամբ Նորին Սրբազնությունը մուտք գործեց

եկեղեցի: Եկեղեցու օծման խորհուրդը սկսվեց, երբ երկու քահանա հայեր գինով և ջրով լվացին Ս. Մեղանը, իսկ Սրբազան Հայրը օծեց Ս. Մեղանը և եկեղեցու փասնավեց այուների վրա գեղեղված խաչքարերը:

Տյառնագրելով եկեղեցու ճորս կողմերը, Սրբազան Հայրը նվիրագործեց Աստծուն նվիրված այս աղոթքի փունը. «յանուն Ս. Վարդան հասարարեալ եկեղեցի»: Այս աւրադոթությունից հետո Սրբազանը մատուցեց նորած եկեղեցու առաջին Սուրբ և անմահ Պատարագը և հավուր պապշաճի քարոզ խոսեց:

Իր քարոզի մեջ առաջնորդ Սրբազան Հայրը նախ շնորհավորեց գյուղի բնակիչներին, հորդորեց լինել Վարդան Մամիկոնյանի պես բաջարի հավաքացյալներ:

Հիշարարության արժանի է, որ առաջնորդ Սրբազան Հոր դիմումին ընդառաջելով գերմանական «Сарни» հասարարությունը հանձն էր առել եկեղեցու շինարարությունը և կարճ ժամանակում ավարտին հասցրել այն, իսկ «The Chrch in need» հասարարությունը հանձն էր առել կառուցելու հոգևոր հովվի բնակարանը:

ԱՐԱՄ ՄՐԿ. ՔԵԹԵՆՃՅԱՆ